

# JUKSKEI SA



Geregistreer ingevolge Wet nr.46 van 1926  
Registered in terms of Act no 46 of 1926

Ingelyfde Vereniging sonder winsoogmerk  
Incorporated Association not for gain



Reg no: 2004/000166/08  
Lid van die / Member of the  
SASKOK / SASCOC  
INTERNASIONALE JUKSKEI FEDERASIE  
INTERNATIONAL JUKSKEI FEDERATION

## Posadres / Postal address

Kingstraat 25 King Street,  
Kroonstad, 9500

Faks nommer / Fax number  
086-659-1432

Selnommer / Cell number  
083 467 1306

E-posadres / E-mail address  
[jukseisa@jukskei.co.za](mailto:jukseisa@jukskei.co.za)

Verw./Ref: JSA Deelname 5/2020-2021

13 Oktober 2020

**AAN:** Direkteure Administrasie  
Provinsiale Jukskei Federasies

**Afskrif  
aan:** JSA Direksie  
JSA Komitees  
SANW  
Erelede

Goeiedag

Na aanleiding van verskeie navrae ontvang vanaf Provinsies/Distrikte met betrekking tot die SA Junior Kampioenskap, het ons in gesprek gegaan met SRSA en alle vrae word in die lig van hierdie gesprek beantwoord.

Vir die duur van die Kampioenskap word 'n "Bio Bubble" geskep vir Beampies, Deelnemers en ondersteunende personeel. Dit beteken:

- 🟡 Streng beheer oor beweging in en uit die "bubble".
- 🟡 "Bubble" sluit in terrein vir deelname asook plek van verblyf.
- 🟡 Vandat persone ge"screen" is tot na afloop van Kampioenskap moet persone slegs in gekontroleerde area beweeg soos bepaal deur Distrik/Provinsie en JSA.
- 🟡 Dit sal beteken geen uiteet by Restaurante in Kroonstad nie. Aflewering van wegneemetes sal toegelaat word met aflewering daarvan op 'n gekontroleerde punt.

**1. Is daar 'n spesifieke datum wat 'n afsnytydperk insluit vir spaninskrywings sodat daar bepaal kan word of genoeg spanne ingeskryf het om die toernooi waarlik 'n Nasionale Toernooi te maak, en dat deelname en kompetisie werklik op die regte standaard is? Wanneer sal ons weet of die toernooi gaan plaasvind?**

- 🟡 Voorlopige Inskrywings – 7 November
- 🟡 Voorlopige Aktiwiteitsprogram – 15 November – onderhewig aan Regeringsbesluite
- 🟡 Spaninskrywings sluit 30 November 2020
- 🟡 Die besluit dat ons 'n platform vir deelname skep, ongeag die aantal spanne en standaard. Die Kampioenskap is deel van die amptelike kalender. Die enigste grond waarop die Kampioenskap

JUKSKEI: SA SE SPORT VIR ALMAL

JUKSKEI: SA'S SPORT FOR ALL

PRESIDENT: JN NEL  
1<sup>ST</sup> VICE PRESIDENT: EG HANSEN (Ms)  
2<sup>ND</sup> VICE PRESIDENT: DJP BRITS  
DIRECTORS: DJ SMIT (Ms), HC MARAIS (Ms), M ELS (Ms),  
JJM MARAIS, RP MOOPI



gekanselleer sal word is indien die Regering nuwe regulasies deurgee rakende sportdeelname weens COVID-19.

**2. *Is daar al 'n formaat bepaal? Driespel, Spanne, Dubbels en Enkels?***

Formaat sal bepaal word op grond van inskrywings ontvang.

**3. *Gaan daar Dubbelspelkompetisie ook gespeel word soos in die verlede?***

Formaat sal bepaal word op grond van inskrywings ontvang.

**4. *Gaan daar 'n Provinsiale Kampioenskap gespeel word?***

Ons beplan wel vir 'n Provinsiale Kampioenskap, afhangende van die inskrywings waarna 'n finale besluit geneem sal word.

**5. *Is daar al 'n konsep Aktiwiteitsprogram wat kan leiding gee oor die aktiwiteite wat beplan word?***

Verwys na Punt 1.

**6. *Gaan juniors toegelaat word om aan die SA's deel te neem as hulle nie aan die Distrik-liga deelgeneem het nie? Dit is nou eksamentyd. Niemand het nog ge-oefen nie en daar is 'n goeie kans dat van die juniors nie aan ligas gaan deelneem nie omdat hulle leer of ekstra klasse het.***

JSA het geen vereistes ten opsigte van deelname aan liga om deel te neem aan SA's nie. Distrikte en Provinsies bepaal vereistes vir deelname aan SA Kampioenskappe.

**7. *Indien 'n junior koors of simptome het, gaan die junior en sy/haar spanmaats saam geïsoleer word en sodoende die hele span dan uit die Kampioenskap geneem word?***

Individu sal geïsoleer word en spanlede gemonitor word, maar die span sal nie uit die Kampioenskap geneem word nie, tensy almal simptome toon.

**8. *Ons aanvaar dat toeskouers nie toegelaat sal word nie en doen ons beplanning so.***

Geen toeskouers word toegelaat nie, soos bevestig met SRSA.

**9. *As gevolg van sosiale distansie kan die koshuise nou minder persone akkomodeer – alreeds met hulle bevestig. Is daar addisionele akkommodasie beskikbaar vir die Distrikte wat nou nie slaapplek in die koshuise gaan hê nie, of is daar ander planne in plek?***

Verblyf is die verantwoordelikheid van die Provinsie/Distrik. Dit was nog nooit die verantwoordelikheid van die beherende instansie nie. Neil Coetzee van Jukskeipark het egter die koshuise in Kroonstad gekontak. Daar kan by hom navraag gedoen word.

**10. *Moet almal wat aan die Kampioenskap deelneem 'n negatiewe COVID toets voorlê, of is dit nie nodig nie? Indien die toets nodig is, wie moet daarvoor betaal?... die ouers, die Distrik of Jukskei SA? (Reg 6A(4)).***

COVID toets nie voorskriftelik nie. Daar moet egter met "screening" begin word vanaf plek van vertrek voor die Kampioenskap en weer by plek van aankoms na afloop van die Kampioenskap. Rekords moet daaglik opgedateer word en beskikbaar wees indien SRSA beampte daarvoor vra.

**11. *Ouers kan nie net juniors/spelers aflaai by oefeninge en ry nie. JSA se skrywe sê wel dat dit mag gebeur, maar die nuwe regulasies is baie duidelik dat mense van die publiek en toeskouers nie toegelaat word in die fasiliteit nie. Die JSA skrywe moet verander, of die regulasie moet verander, die twee kan nie saam bestaan nie. Tensy ons verkeerd verstaan, wat wel moontlik is. Par 2(d) (2): Reg 6A(1).***

Bespreek onder punt 8. Na JSA se gesprek met SRSA het ons egter besef ons interpretasie was verkeerd en dat ons ook nie besoekers/ouers kan toelaat binne parkeerareas binne fasiliteite om vir juniors/spelers te wag nie. Hulle mag glad nie Jukskei terreine betree nie en sal buite die fasiliteite moet wag vir juniors/spelers.

- 12. Hoe gaan die sosiale afstand tussen juniors gehandhaaf word tydens etes en in die badkamers? Wie is verantwoordelik vir die saniteringsmateriaal en moet daar elke keer na iemand gestort het gesaniteer word? Wie moet dit doen? Is dit die verantwoordelikheid van die koshuis, of die verantwoordelikheid van die Distrik? Moet die koshuis dit voorsien of moet die Distrik dit middels saamneem en ook die werkers saamneem om die skoonmaak te doen?**

As 'n instansie vir verblyf betaal word, moet hulle aan gesondheidsregulasies voldoen. Distrikte/Provinsies moet dit met verskaffer van verblyf onderhandel. Elke persoon moet ook ekstra verantwoordelikheid neem vir eie gesondheid.

- 13. Hoe isoleer ons in die koshuis as die Spanbestuurder, Afrigter of speler die virus kry of dalk net koors het? Waar moet die persoon heengaan om te isoleer? Mag die persoon in die koshuis bly of moet die persoon na 'n ander plek geneem word vir die isolasie? Moet die persoon vir die isolasietydperk in Kroonstad bly, of kan die persoon vervoer word na sy huis toe? Mag die ouers die junior kom haal of hoe moet die saak hanteer word? 'n Junior kan nie alleen gelaat word by die koshuis nie, so ons sal iemand ekstra moet saambring vir die moontlikheid?**

Isolasie eenhede moet beskikbaar gestel word by koshuise/instansie wat akkommodasie verskaf. JSA sal in samewerking met Jukskeipark akkommodasie verskaf vir die res van die dag se spel, waar speler/beampte gedurende spel simptome toon. Verdere toetse en isolasie is vir die speler/beampte se rekening.

- 14. Hoe gaan bepaal word of iemand moet isoleer as iemand positief getoets het en in kontak was met 'n persoon of persone?**

Daaglikse monitering van simptome soos bepaal deur die Department van Sport en Rekreasie sal plaasvind met "tracing" met wie die persoon in aanraking was, soos reeds toegepas word tydens oefeninge en ligas.

- 15. Gaan elke persoon elke dag by die koshuis ge"screen" word of net by die bane? Hoe gaan dit werk en wie moet dit doen?**

By die bane sal "screening" deur JSA gedoen word - beherende instansie. "Screening" by verblyf moet volgens regulasies gedoen word deur die instansie wat verblyf verskaf. Details tussen JSA as beherende instansie en Jukskeipark sal onderhandel word.

- 16. Die tweede golf van Corona is nou besig om te begin en is ons bekommerd dat ons sal teruggaan na die beperking van 50 per geleentheid. Ons wil graag hoor hoe JSA dink die tweede golf die beplanning gaan beïnvloed.**

Ons is steeds onderhewig aan die Regulasies soos deur die Regering bepaal word. Beplanning sal voortgaan soos vir enige ander Kampioenskap. Sou die Regering die Regulasies verander sal ons dit moet eerbiedig.

Groete

*Bets Hansen*  
DIREKTEUR DEELNAME

*Deidré Smit*  
DIREKTEUR ADMINISTRASIE